



格致鏡原

卷七十四

卷七十四 果類

梅李桃杏柰梨栗棗

卷七十五

柑橘橙柚柿荔枝龍眼楊梅枇杷櫻桃

卷七十六

葡萄石榴林檎橄欖檳榔

香櫛木瓜胡桃金橘銀杏松子榛子

榧子蓮子藕菱西瓜甘蔗諸果

第四帙

13
2226
23

門 1 3
號 2226
卷 23

格致鏡原

卷七十四 果類一

總

李 總論 詳類 異李

杏 總論 詳類

梨 總論 詳類 異梨

棗 總論 詳類 異棗

卷七十五 果類二

柑 總論 詳類 柑異

橙 總論 詳類

柿 總論 詳類

梅 總論 詳類

桃 總論 詳類 異桃

柰 總論 詳類 異柰

栗 總論 詳類 異栗

橘 總論 詳類 異橘

荔枝 總論 詳類

荔枝 附錦論 詳類

格致鏡原 果類

<41-10307>

龍眼

楊梅

枇杷

櫻桃 附山櫻桃

卷七十六 果類三

葡萄 附論 詳類

石榴

荔枝

橄欖 附餘甘

檳榔

香櫞

木瓜

胡桃

金橘

銀杏

松子

榛子

榧子

蓮子

藕

菱

芡實

西瓜

甘蔗

諸果

名果虎作蝦蟆車四搏掘根面去一丈淡一丈合土載之植之無不生〔叙聞錄〕稽昌畜採星盆夏月漬果則倍冷〔蜀都雜鈔〕梵文其細如叙果有五棗杏等謂之核果梨奈等謂之膚果椰子胡桃等謂之殼果松子柏仁等謂之檜果大小豆等謂之角果核殼易解膚皮膚可啖也角華言亦稱豆角惟檜頗奧按字書麤糠皮謂之檜〔食經〕種名果法取好直枝著芋塊中種之〔齋開覽〕凡果實久不熟者以祭社餘酒灑之則繁茂倍常用生人髮挂枝上則飛鳥不敢近方結實時最忌白衣人過則其實盡落〔種樹書〕鑿果樹納少鍾乳粉則子多且美果實異常者根下必有毒蛇〔事物紺珠〕核

果中實仁核中實〔臆乘〕俗稱果核中子曰仁或曰人余謂當從仁是蓋仁者生意之所寓謂百果得此為發生之基

梅子

〔尚書〕若作和羹爾唯鹽梅〔毛詩〕標有梅其實七兮〔禮內則〕獸用梅〔注〕以梅為和也〔天載禮〕五月煮梅為豆實〔周禮〕籩人饋食之籩其實乾蓀〔鄭注〕蓀乾梅也〔埤雅〕梅一名柎其實酢〔山海經〕雲山之上其實乾腊〔郭璞注〕腊乾梅也〔陸璣詩疏〕梅暴乾為腊置羹臠壺中又可合以香口〔廣志〕蜀名梅為蓀大如鴈子梅蓀皆可以為油黃梅以熟蓀作之〔埤雅〕梅至

北方多變而成杏故人有不識梅者地氣使然也
理志洪州土貢梅煎 范成大梅譜余頃守桂林立春
梅已過元夕則嗜青子 北戶錄嶺南之梅小於江左
居人採之雜以朱槿花和鹽曝之梅實為槿花所染其
色可愛 菜苑永嘉閩婦以青梅雕剉脫核鑿以花鳥
纖細可愛以手擘之玲瓏如小盒闔之復為梅謂之梅
籃 化書梅接杏而本強者其實甘 種樹書桑上接
梅則不酸 格物論枝頭碧顆初熟帶胭脂色熟甚
黃而隕 五代史楊渥方宴食青梅趙匡凝頰僅日夕
多食發小兒熱 語林范汪能噉梅人嘗致一斛益匪
須臾啖盡 筆談吳人多謂梅子為曹公以嘗望梅止

渴也有士人遺醋梅作書云醋浸曹公一餅 吳氏本
草梅核明目益氣不飢 田家五行梅實少穠亦少諺
云樹無梅手無杯

西京雜記初脩上林苑羣臣各獻名果有朱梅
紫葉梅紫花梅同心梅麗枝梅燕梅猴梅 爾雅郭注
時英梅即雀梅似梅而小 梅譜官城梅實亦佳可入
煎造消梅實圓小鬆脆多液無滓多液則不耐日乾故
不入煎造亦不宜熟惟堪青暇重葉梅結實多雙鴛鴦
梅一帶而結雙梅杏梅結實甚匾有爛斑色全似杏味
至象晉果譜鶴頂梅實大而紅冰梅實吐葉罅不花
色如冰玉無核含之齒冰如冰 物類相感志青梅小

梅子 李子

滿前嫩脆過後則易黃
[嶽眉山志]海梅高僅三尺冬
月開小花結子如櫻桃
[梅譜]江梅子小而硬

李子

[素問]李味酸東方之果
[春秋]運斗樞王衡星

散為李
[禮]玉藻食棗桃李弗致于核
[化書]李接桃

而本強者其實毛
[本草]李根治瘡李實熟食之除熱

調中不可合雀肉食又不可臨水上噉之
[玄池說林]

立夏日俗尚啖李時人語曰立夏得食李能令顏色美

故是日婦女作李會取李汁和酒飲之謂之駐色酒

曰是日啖李不疰夏
[世說]王安豐有好李常賣之恐

人得其種乃鑽核而賣
[山海經]遼春之山多李異人

多採之
[世說]王戎年七歲見道傍李樹其子折枝請

小兒競取惟戎不動曰道傍而子多必苦李果然

肇國史補李直方第果吊以綠李為首
[本草]梵書名

李為居陵迦

[爾雅]休無實李注一名趙李又座接慮李注今

之麥李與麥同熟又駮赤李疏李之子赤者名駮

京雜記山林苑果樹有紫李朱李黃李青綺李青房李

同心李車下李含枝李金枝李顏淵李羌李燕李蠻李

候李
[廣志]有黃建李青皮李馬肝李解李肌黏茹似

饌冬李十一月熟
[述異記]杜陵有金李大者夏李小

者鼠李
[鄴中記]華林園有春李冬華春熟
[潘岳閒]

居賦房陵朱仲之李註荆州記房陵有朱仲者家有標李代所希有周處風土記南居細李四月先熟花木錄北齊武帝仙都苑有同心李韋述兩京記東都嘉慶坊有李其實甘鮮為京城之美故稱嘉慶李今人稱嘉慶子清異錄東韋李朔方處處有之云韋氏中東脊之孫種來得名廣志李戎州所出肉熟而皮猶綠孔六幅北狄渤海有九都之李海山記楊帝時酸棗邑所進玉李與楊柳同時結實院妃來獻帝問二果孰勝妃曰楊梅雖好味頗清酸終不若玉李之甘時苑中人多好玉李述異記瀨鄉老子祠有紅縹李一李二色雜考江南建寧有均亭李紫色極肥大味甘如蜜

南方之李此實為最學圃雜疏李種亦殊多北土盤山麝香紅妙甚江南絕無然亦有一種極大而紅者味可亞之紺珠綠車李即車下李麝香李佳品綿李甘美核離栗譜木李絕大而美御黃李形大而味厚核小而甘香李中佳品也中樅李在麥前熟御李大如櫻桃紅黃色先諸李熟離核李似奈劈李熟必先劈裂杏李味小酸似杏又有黃扁李牛心李紫粉李小青李水李扁縫李奈李晚李

異 黃帝內傳王母遺帝上清玉文之李漢武內傳仙之上藥有員丘紅李魯安生別傳李少君曰鍾山之李大如餅食之生奇光洞冥記琳國去長安九

千里生玉葉李色如碧玉數十年一熟味酸昔韓衆作
終嘗餌此李因名韓衆李 集真記西王母居龍耳城
中產黃中李花則三影實則九影花實上皆有黃中二
字王母惜之過於蟠桃 真人王褒內傳五雲丹山上
有玄雲李食之得仙 魏文帝列異傳南海君謂度索
君曰昔在廬山共食自李 抱朴子五原蔡誕云崑崙
山有玉李光明洞徹而堅以玉井水洗之便軟而可食
解醒語聞開元人于帝前稱天台仙果帝曰可致否
真人取金盒覆之少頃有水晶李十枚 述異記魏文
帝安陽殿前天降朱李八枚啖一枚數日不食今李種
有安陽李大而甘即其種也 好事集王侍中家堂前

有鼠從地出其穴側生李樹花實俱好此鼠精李也
琴莊美事崔奉國家有李肉厚而無核識者曰天罰飛
龍必割其耳血墮地生此李也 李尤果賦仙李縹神
李紅

桃子

總論 春秋運斗樞玉衡星散爲桃 毛詩園有桃其實之毅 禮內則桃曰膳之蔬桃多毛拭治令青滑如
膽 家語六果桃爲下祭祀不用不登郊廟 管子五
沃之土其木宜桃 大戴禮六月煮桃以爲豆實 鹽
鐵論桃李實多者來歲爲之穰 埤雅桃性更七八年
便老老則子細 格物論桃實大者如小兒拳小者如

如雞子色如金故名日本國有金桃實重一斤太原有
金桃色淡黃又柿樹接桃枝則為金桃早熟者為絡絲
白晚熟者謂過鴈紅又京畿油桃小於衆桃有赤斑點
光如塗油 果譜新羅桃子可食性熱方桃形微方餅
子桃狀如香餅味甘銀桃形圓色青白肉不黏核六月
中熟鴛鴦桃結實必雙李桃一名光桃形圓色青肉不
黏核其實光澤如李十月桃一名古冬桃又名雪桃形
圓色青肉黏核味甘酸十月中熟水蜜桃獨上海有之
而顧尚寶西園所出尤佳其味亞於生荔枝雷震紅每
雷雨過輒見一紅暈更為難得 紺珠雪桃出胡地淡
冬熟又桃奴經冬不冷者又壽星桃胭脂桃 本草集

桃在樹不落殺百鬼 南蠻志偏桃出波斯國彼呼為
婆淡樹三月開白花結實如桃子而形偏故曰偏桃肉
苦滿不可啖核中仁甜西域諸國並珍之 海槎餘錄
土果曰陽桃大如拳綠色明潤五稜並起劍脊中核如
花紅子味帶酸宜于酒後咀嚼之 海錄碎事洋州雲
臺山生獼猴桃甚甘酸食之止渴 爾雅注羊桃一名
鬼桃葉似桃花白子亦似桃
異桃 漢武故事西王母降出桃七枚如鳧卵形圓色
青母啜二以五枚與帝帝留核欲種之母笑曰此桃三
千年一著子非下土所植 拾遺記西王母薦萬歲冰
桃 神異經玉桃服之長生不死 列仙傳諺曰得綏

各文意類卷之七 果類 一 異桃

山一桃雖不得仙亦足以豪神異經東方有桃樹葉長八尺其子徑三尺二寸和核作羹食之令人益壽郭氏立中記木子之大者有瓊石山之桃實焉大如十斛籠南康記南康王山有石桃故老云古有寒桃生於嶺巔隱淪之士將取其實因變成石洽聞錄吐谷渾有桃大如一石甕尹喜內傳老子西游省太真王母共食碧桃集仙錄金母降謝自然將桃一枝懸臂上有三十顆碧色大如椀云此猶是小者酉陽雜俎史論在齊州出獵憩蘭若中覺桃香異常僧獻二桃太如飯盃食之核大如雞卵因詰其所自僧導論上山越澗至一處有桃數百枝餘掃地其香破鼻論與僧各食

一帶腹果然矣集異記水部員外郎杜沙嘗見江淮市人以桃核扇量米正容一升官於九嶷山溪中得墨莊漫錄有人以桃核半枚獻主黼者中容米三四斗宛委餘編洪武時出元庫內所藏蟠桃核長五寸廣四寸七分前刻西王母賜漢武桃宣和殿十字塗以金中繪龜鶴雲氣之象後鐫庚子年甲申月丁酉日記十字亦以金飾之示宋濂作賦

杏子

總論 典術杏者東方歲星之精 格物論杏似梅差大而微紅香于梅而酸不及核與肉自相離其仁可入藥 江南錄楊行密敗杏名甜梅 師曠古術杏多實

格致鏡原卷之七 果類 杏

不蟲者來年秋禾善

山海經靈山之下其木多杏

管子五沃之土其木宜杏

魏郡好杏地

產不為無珍 嵩山記嵩山北有牛山其山多杏至

五月爛然黃茂百姓飢饉時嘗資此為命人人克飽而

杏不盡 宋超石與兄書光武墳邊杏甚美今奉送其

核 文昌雜錄昔李冠卿家有杏多花不實適一媠姥

見之笑曰來春與嫁此杏冬凍忽搗一樽酒來云是婚

家撞門酒索處子紅裙繫樹止與酒辭祝再三而去明

年結子無數 玉燭寶典今人悉研杏仁為酪引飴沃

之 釋名杏可以為油

詩

西京雜記上林苑有蓬萊杏東郭都尉于吉所

獻花雜五色六出云是仙人所食又有文杏謂有文彩

也 地理志范蠡宅在湖中有海杏大如拳 述異記

瀨鄉老子祠有標杏北方有一種杏赤色大而稍扁肉

厚謂之肉杏又杏園洲在南海中多杏嘗有人舟行遇

風泊此洲五六月日食杏故免死洲中有冬杏 花木

錄北齊武帝改芳林園為仙都苑植名果有合歡杏

廣志榮陽有白杏鄴中有赤杏黃杏 西陽雜俎濟南

郡之東南有分流山上多杏大於梨黃於橘而味獨美

昔漢武帝訪蓬瀛有獻是者帝嘉之故今人猶呼為漢

帝杏亦曰金杏 果譜沙杏甘而多汁即世所稱水杏

也梅杏黃而帶酢李杏青而帶黃出鄴中金剛拳又名

肉杏赤大而扁肉厚味甚佳木杏形扁色青黃味酢不堪食山杏肉薄不堪食但可收仁用巴旦杏一名八丹杏。出回回地今諸處皆有樹如杏而葉差小實小而肉薄核如梅皮薄而仁清甘鮮者尤脆美稱果之佳者。緇珠海東紅出北方忽鹿麻出哈密杏如棗甘仁如巴豆。南嶽夫人傳仙人有三玄紫杏。

柰

總論

左思蜀都賦素柰夏成

曹植謝柰表柰以夏

熟今則冬至物以非時為珍。郭義恭廣志西方多柰。牧切曝乾作脯蓄積為糧謂之類婆糧。劉熙邈雅柰法搗柰實和以塗繪上燥而發之形似油也柰脯切柰

曝乾之如脯也

類

西京雜記上林苑有白柰紫柰綠柰。廣志柰

似林檎而大有白青赤三種張掖有白柰酒泉有赤柰

天帖白柰出涼州野豬澤大如兔頭。類要華陽雷

平山地美可種柰所謂福鄉之柰以除災異。朝野僉

載貞觀年中頓丘縣人於黃河濱上拾菜得一樹栽子

大如指持歸蒔之三年乃結子五顆味狀如柰又似林

檎多汁異常酸美送縣縣上州以其味奇乃進之賜綾

十匹後樹長成漸至三百顆每年進之號曰朱柰至今

存德貝博等州取其枝接所在豐足。地理志甘州土

貢冬柰。虎丘山疏山下三面有春秋二柰

梨

漢武內傳仙藥之次者圃丘紫奈

貢誥夏禹

諸鍾山吹紫奈服靈寔而猶葬于會稽

南嶽夫人傳

真人降設玄雲紫奈

洞冥記紫奈大如斗甜如蜜核

紫花青研之有汁如漆其汁著衣不可滌浣亦名醫起

奈續仙傳謝玄卿遇神仙設玄洲白奈拾遺記崑

崑山有奈冬生子碧色須玉井之水洗方可食

拾遺記崑

記聖奈每七月十五自鳳林關靈巖寺溪穴流出大如

盞洛陽伽藍記白馬寺奈實重七斤

晉起居注太

始一年嘉奈一蒂十五實或七實生於酒泉

梨

總論

爾雅梨山樛郭注即今梨樹邢疏在山曰樛人

植之曰梨

禮內則粗梨曰鑽之鄭註恐有蟲故一一

鑽之

漢食貨志淮北滎陽河濟之間千樹梨與千戶

侯等

華夷花木考接梨於桑則脆而味美雨航雜

錄藏梨者多用沙蓋梨性寒惡濕熱沙能制濕故也

農桑通訣凡酸梨換水煮熟則甜美不損人齊民要

術凡種梨十子唯二子生梨餘皆生杜

王禎農書西

路產梨處取甜梨去皮切作厚片火焙乾謂之梨花允

為佳果可克貢

南史張敷曰梨是百果之宗

國史

補李直方第果品榜梨為副

本草梨為快果又名青

田果玄圃實

清異錄建業野人種梨者詫其味曰蜜

父劔南詩注村人謂小梨為梨頭

南史宋王玄謨

各文竟果類

北伐又營貨利一匹布責人八百梨以此倍失人心

北史高聰廢于家惟脩營園果世稱高聰梨以為珍異

童子神通集房次律弟子金圖十二歲記葛洪仙錄

中三百事次律賞以轉枝梨

西京雜記上林苑名果有青梨實大芳梨實小

金葉梨出瑯琊王野家太守王唐所獻瀚海梨出瀚海

北耐寒不枯東王梨出海中紫條梨大谷梨細葉梨

葉梨紫梨三秦記漢武帝御宿園一名樊川有大梨如五

升餅落地則破其王取者以布囊承之名含消梨魏

文帝詔真定御梨大如拳甘若蜜脆若菱可以解煩釋

暍段龜龍涼州記呂光時燉煌太守獻同心梨永

嘉記青田村有官梨大一圍五寸以供獻各御梨潘

岳閒居賦張公大德之梨廣志洛陽北邙山有張公

夏梨甚甘海內唯有一樹廣都梨重六斤數人分食之

又有常山真定梨山陽鉅野梨梁國睢陽梨齊郡臨淄

梨鉅鹿膏梨上黨梔梨小而甘新豐箭谷梨關以西梨

多供御世說秣陵有袁仲家梨甚美大如升入口即

消釋花木考玉乳梨煬帝時有之通典太原府河

東郡貢鳳棲梨三千五百顆演繁露陝州有梨樹正

觀中有鳳止其上結實香脆其色亦黃號鳳棲梨洽

聞記九成宮有梨上有瓜甲亦號曰一搯梨曲洧舊

聞語兒梨初號斤梨其大者重至一斤不知語兒何義

鄭州郭慎蒙陵旁產此甚多其父老云有田家兒數歲不能言一日食此梨輒謂人曰大好衆驚異以是得名陳振謂語兒當爲禦兒蓋地名梨所從出也按禦兒非產梨之地不知疎何所據續虞初志唐武宗有疾邢道士以紫花梨合丹進之尋愈帝遂詔天下有紫花梨卽時奏上時恒州節度王達尚壽春公主聞真定李令種梨數株其一紫花梨卽遣寺人就加封檢剪其旁樹匝以朱欄寶惜織枝有同月桂當花發之時防蜂蝶窺耗每以輕綃霧縠遠加籠罩及秋實公主必手選而進之此達帝庭十得其六七時有李遵來任恒州記室作進梨表云紫花開處擅美春林縹蒂懸時迥光秋景離

離玉潤落落珠圓甘不得嘗脆難勝口見者笑之曰常山公何用進殘梨於天府也蓋以有脆難勝口之句此梨自後爲貢賦之常物齊書扶桑國有赤梨經年不壞孔六帖北狄渤海果有樂遊之梨酉陽雜俎曹州及揚州淮口出夏梨傅毅七激雍州之梨出於麗陰脆不抗齒任口流液握之摧沮批之離析吳均食移安定之梨皮薄味厚一枚三升傅巽七誨襄陽黃梨邵康節詩勸君莫食金花梨勸君須食紅消梨金花紅消兩般梨一般顏色如胭脂紅消食之甘如飴金花食之先皺眉格物論食之甘脆無渣滓者爲佳品有一種熟時糜爛可口謂之金鳳梨其次也石湖詩

注燕山良鄉驛中供金粟梨又內丘鵝梨為天下第一

初熟收藏十一月出汗後方佳一茅亭客話滕處士園

中有梨各車轂圍一尺摘時先以布囊盛之落地即碎

清波雜志陳州出梨子號青沙爛

學圃雜疏梨如

哀家梨金華紫花梨不可見也今北之秋白梨南之宣

州梨皆吾地所不及聞西洞庭有一種佳者將熟時以

箬就樹包之味不下宣州

原始山東出水梨宣州產

雪梨江浙產酥梨近京出紫煤梨甘棠梨

緗珠梨利

也有乳梨皮厚肉實又霜梨帝壽梨三藏梨

異物志

鹿梨一名鼠梨山梨也

果譜桑梨止堪同蜜煮食

神異經東方有樹高百尺敷張自轉葉長一丈

廣六尺各曰梨其子徑三尺剖之白如素食之地仙可

入水火

洞冥記塗山之北有梨大如斗色紫各紫輕

梨洽聞記祝融峰上有青壇上有梨樹高三十丈子

如斗至搖落時但見其汁核無得味者

尹喜內傳老

子西遊省太真王母共食紫梨

漢武內傳太上之果

有玄光梨

南康記歸山石城內有梨熟時人食其實

任意取足持歸家人嗽輒病味似秋梨

合璧事類王

夫人謂許長史曰交梨火棗是飛騰之藥

真仙通鑑

祝融峰上有碧玉壇東有紫梨高三百尺乃夏禹所植

實大如斗赤如日若得食長生不死

酉陽雜俎洛陽

報德寺梨重六斤

吳越備史李昇本徐氏先是其家

有梨樹結一實大如升其父剖之有赤蛇在其中俄而蛇走其母樹下尋之不見未幾其母遂孕知語

栗

總論 坤雅栗味鹹北方之果也 毛詩樹之榛栗又

隰有栗又東門之栗 禮內則栗曰撰之注撰選也栗

多蟲蠹宜選擇也 周禮饋食之籩其實栗 左傳女

贄不過榛栗棗脩 史記燕秦千樹栗此其人與千戶

侯等 盧諶祭法春秋冬祠皆用栗 格物論栗子苞

生刺多如蝟毛其中著實或單或雙或三四 本草栗

能愈疾人有脚弱者啖數升即健能行栗作粉勝於薯

蕷又一葉三顆中顆扁者名栗椹治血理筋骨風痛又

栗實內薄皮名栗莢亦入藥 蜀都賦楸栗罅發注栗

皮拆罅而發也 東觀書栗駭蓬轉蓋今栗房秋熟罅

發其實驚躍如爆去根餘甚遠故謂栗駭 庶物異名

疏坤雅云栗有菜蝟自裹菜蝟栗房也 禮志籩以栗

黃 郭橐駝種樹書栗採時要得披殘明年枝葉益茂

清異錄晉王嘗窮追沐師糧運不繼蒸栗以食軍中

遂呼栗為河東飯

類 呂氏春秋果之美者箕山之栗 山海經終南

山其上多栗葛山銅山其木多栗 魏都賦固安之栗

西京雜記上林苑有侯栗榛栗塊栗嶧陽栗 嶧陽都

所獻大 辛氏三秦記漢武帝果園大栗十五枚一斗

如拳

各文竟原卷之十四 果類 栗

鄴中記鄴中產巨栗脫其殼可以為杯

晉宮闈名

華林園侯栗六株 廣志關中侯栗大如雞子 陸璣

詩疏栗五方皆有周秦吳揚特饒吳越被城表裏皆栗

唯漁陽范陽栗甜美長味他方不及倭韓國諸島上栗

大如雞子亦短味不美桂陽有萃栗藜生大如椰子中

仁皮子形色與栗無異也但差小耳又有奧栗皆與栗

同子圓而細或云即萃也今惟江湖有之又有茅栗佳

栗其實更小而木與栗不殊但春生夏花秋實冬枯為

異耳 魏志東夷韓國出大栗如梨 地理志諸暨產

如拳之栗 西陽雜俎虔州南有漸栗形如棗核李衛

公會容縣中有猴栗 本草衍義湖北路有一種栗頂

員末尖謂之旋栗 埤雅江南有小栗謂之芋栗人謂

芋為茅誤 水經注汝水灣中有栗園栗小殊不竝固

安之實也然歲貢三百石以充天府 杜陽編滄洲有

丹栗大如梨 王逸荔枝賦北燕薦別濱之巨栗 本

草圖經栗兗州宣州為勝 嶺表錄異廣州無栗唯勒

州山中有石栗一年方熟皮厚而肉少味似胡桃仁熟

時或為羣鸚鵡至啄食略盡 益部方物記天師栗生

青城山中他處無有也似栗味美惟獨房為異久食已

風孳

列仙傳謝玄卿遇神仙設鳳冠栗以食 補異

經東南荒中有栗樹高二十丈子徑三尺二寸長一尺

異栗

各尺粟子。〔物類相感志〕木栗出東北荒中栗徑三尺二寸肉黃白味甜食之令人短氣而渴。〔紺珠〕桂陽栗叢生大如斗。〔物類相感志〕蜜栗子出睦州青溪洞潭中如蚌似栗大小內有金星外堅色如栗能制五金有甜味。

栗

〔詩〕八月剝栗。〔注〕剝擊也。〔禮記〕栗曰新之。

〔注〕栗易有塵埃恒拭之使新。〔周禮〕饋食之籩其實栗。

〔史〕貨殖傳安邑千樹栗與千戶侯等。〔埤雅〕栗實未

熟雖擊不落已熟則爛。一擊自墮齊民要術所謂全赤

即收掘而落之為上也。以乾則紅皺復為烏鳥之費半

赤而收者肉未克滿故於全赤之時剝而落之。〔後山

叢談〕諺曰栗不濟儉謂栗熟則歲豐也。〔齊民要術〕旱

澇之地不任稼穡者種栗則任矣。〔王禎農書〕栗熟著

霧則多損以糝麻或穉穰四散給樹上可避霧。〔齊民

要術〕正月一日日出時以斧斑擊椎之名嫁栗不椎則

花無實子易零落。〔埤雅〕噉栗令人齒黃。稽康養生論

曰齒居晉而黃晉人食棗故也。〔墨客揮犀〕太原人喜

食棗無貴賤老少嘗置棗於懷袖間等閒採取食之則

人之齒皆黃緣食棗故乃驗嵇叔夜齒居晉而黃之說

〔清異錄〕百益一損者棗一益百損者梨醫氏目棗為

百益紅梨為百損黃或又謂棗是聖花兒。〔竹坡詩話〕

韓退之城前聯句云紅皺曬簷瓦黃團繫門衡黃團當
 是瓜萼紅皺當是棗 [太平廣記]木蜜棗子也 [盧誥
 祭法]春祠用棗油 [謝承後漢書]孟節能含棗核不食
 可至十年 [晏子春秋]楚莊王愛馬噉棗脯 [北史]晉
 陽館中有一蠕蠕客有異算術綦母懷文指庭中棗樹
 令其布算即知其實數并辨若干純赤若干赤白相半
 於是剝數之惟少一子算者曰必不少但更撼之果落
 一實

詳類

[爾雅]棗壺棗邊要棗檟白棗榘酸棗遵羊棗洗
 大棗蹶洩苦棗哲無實棗還味檢棗 [注]今江東呼棗太
 而鏡上者為壺棗要棗細腰棗今謂之鹿盧棗白棗即

今棗子白乃熟酸棗樹小實酢羊棗實小而圓紫黑色
 俗呼為羊矢棗大棗今河東猗氏縣出如雞卵無實棗
 不著子也還味短味也 [西京雜記]上林苑名果有弱
 枝棗玉門棗嘗棗青華棗枋棗赤心棗西王母棗 [廣
 志]穀城紫棗長二寸西王母棗大如李核三月熟在衆
 果子先河南汲郡棗一名墟棗一名安邑棗梁國夫人
 棗大白棗名曰蹶浴小核多肌三皇棗駢白棗灌棗皆
 官園所植又有狗牙雞心牛頭羊角獼猴細腰互棗大
 棗崎廉棗桂棗夕棗諸名 [潘岳閒居賦]周文弱枝之
 棗李善注周文王時有弱枝之棗甚美禁不令人取置
 樹苑中 [魏文帝詔]凡棗味莫如安邑御棗也 [本草

衍義御棗甘美輕脆後衆棗熟而易生臣今人所謂撲落酥者是也

晉宮闕名華林園王母棗十四株 中記石虎園中有羊角棗二子一尺 隋記煬帝苑中有金槌棗牙樣棗

大業拾遺記信都獻仲思棗長四寸紫色細文核肥有味

北夢瑣言石晉時趙令公瑩家有橋棗樹

鄧元錫物性志今有紫棗玄棗實入藥生密雲者實小而甘曰密雲棗

又有天棗產南徐州蕭縣實如酸棗可食又樂氏棗生山東青州府多膏味美

為棗之冠又南棗產浙之浦江縣味甘肉厚核小肌細

柳貫打棗譜紅棗出山東紅色香棗出哈密天蒸棗

乾紅於樹上鹽官棗出海鹽紫色味佳菟棗出丹陽

果譜密坊棗味佳出應天府密坊門內脆棗實小而

圓生食脆美不能久甯出章丘縣

地理志河中府貢龍骨棗拂蒜千年棗

清異錄睢陽有雞冠棗宜作脯醞醢棗宜生啖

方輿勝覽普州鐵山棗陳希夷所種庶物異名疏暹羅貢物有萬年棗

南方草木狀海棗樹身無閑枝直聳三四十丈樹頂四面生十餘枝葉

如櫻欄五年一實大如杯盤核兩頭不尖雙卷而圓味極甘美安邑御棗無以加也

劉珣嶺表錄廣州一種波斯棗或三五年一番結子亦似此中青棗但小耳

李時珍曰無漏子卽波斯棗番人名其木曰窟莽各其實曰苦魯麻棗

紺珠沙棗出甘州萬年棗出忽魯謨

斯青璣棗出河中火棗仙果農書南北皆有棗然南

棗堅燥不如北棗肥美生于青齊晉絳者尤佳東晉

發蒙記甘棗令人不惑小爾雅棘實謂之棗陸佃曰

大者棗小者棘蓋若酸棗

異棗尹喜內傳玉文之棗其實如瓶漢武內傳西

王母為帝設玉門之棗漢郊祀志李少君曰臣嘗遊

海上見安期生食巨棗大如瓜伽藍記景陽山百果

園有仙人棗長五寸把之兩頭皆出核細如針霜降乃

熟杜陽編滄洲有碧棗大如梨北夢瑣言永樂縣

有無核棗蘇氏女得之不食五穀年五十顏如處子

神異經北方荒中有棗林高五丈敷張枝條一里餘子

長六七寸圍過其長熟赤如朱乾之不縮氣味其潤殊于常棗述異記北方有七尺棗洞冥記嶧嶧細棗

出嶧嶧山臨碧海上海上萬年一實如今之軟棗連之有音

可燃燈西王母握核以獻帝因名曰握核棗嶧嶧

拾遺記北極岐峰之陰多棗樹百尋其枝莖皆空其實

長尺核細而柔百歲一實奚囊橘柚糜欽棗出真陵

之山食一枚大醉經年不醒解醒語閉閉真人于帝

前致天台仙果取金盒覆之少頃得鶴珠棗三十枚

賈氏說林昔有人得安期大棗在大河之南煮三日始

熟香聞十里死者生病者起其人食之白日上昇故地

名煮棗七脩類藁正德間崇德民蔣輓素事鍾呂好

極果木一日有老人過門曰我有棗枝可種也將受而
植之明年即生佳棗肉且離核墜地即碎至今有焉人
以為仙種

格致鏡原卷七十四終

格致鏡原卷七十五

果類二

柑

綱論

周處風土記柑甘也滋味甜美特異者也莖葉

無異于橘但無刺耳

上林賦黃甘橙棐註郭璞曰甘

橘屬而味精

國史補李直方嘗第果品如貢土者以

甘子為四

襄陽記李衡于武陵龍陽洲上種柑千樹

名曰木奴

清異錄天寶中內中柑樹結實帝日與貴

妃賞御呼為瑞聖奴又李甘家號甘子為金輪藏以避

諱故也

蘇軾黃甘傳黃甘拜溫尹平陽侯更封甘子

為穰侯

神異經東方裔外有建春山其上多柑

彥直橘錄凡圃之所植柑比之橘纔十之一二大抵柑之植立甚難灌溉鋤治少失時或歲寒霜雪頻作柑之枝頭殆無生意橘則猶故也
宋書彭城王義康四方獻饋皆以上品獻柑大三寸
隋書文帝好食柑蜀中摘黃柑以蠟封其蒂獻之香氣不散
唐拾遺益州每年進柑子皆以紙裹之後易以布
太真外傳帝示宰臣曰朕近于蓬萊宮內種柑子數株今結實一百五十顆乃與江南及蜀道所進不異
坡詩註唐故事賜近臣黃柑以黃羅包之人各二枚上元夜以黃柑遺近臣謂之傳柑宴
世說王丞相儉帳下柑果盈溢涉春壞爛
聞見後錄安定郡王以黃柑釀酒名曰洞庭春色

春渚紀聞東坡惠州白鶴峯上梁文云自笑先生今白髮道傍親種兩株柑時先生六十二歲意謂不十年不著子恐不能待也章中公父俞年七十集賓親為慶會有餉柑者味甘而實極瑰大既食之即令收核種之後圃坐人竊笑後公食柑十年而終
南方草木狀交趾人以席囊貯蟻齧柑于市其窠如薄絮囊皆連枝葉蟻在其中并窠而賣蟻赤黃色大于常蟻南方柑樹若無此蟻則其實皆為羣蠹所傷無一完者矣

詳類
風土記有黃者有頰者頰者謂之壺柑即乳柑
古今注柑實形如石榴者名壺柑
廣志有黃柑一核有成都平帶柑大如升色蒼黃健為南安縣出黃柑

荆州記宜都郡舊江北柑園各宜都柑新州出變柑
有苞大於升者且皮薄如洞庭之橘餘柑之所不及移
植數百里形味俱變因以爲名 舊唐書羅浮柑子開
元中始有種于南樓寺其後常資進獻幸蜀幸奉天之
歲皆不結實 陳藏器本草柑類有石柑沙柑 韓彥
直譜真柑在品類中最貴結實顆皆圓正膚理如澤蠟
始霜之且園丁採以獻風味照座擘之則香霧噴人一
名乳柑謂其味之似乳酪溫人謂乳柑爲真柑意謂他
種皆若假設者而獨真柑爲柑耳溫四邑皆種柑推泥
山爲最泥山所產柑其大不七寸圍皮薄而味珍脈不
黏瓣食不留滓一顆之核纔一二間有全無者生校柑

似真柑色青而膚鱗形不圓味似石榴微酸古今注所
云壺柑疑此類是鄉人以其耐久留之枝間俟其味變
甘帶葉而折堆之盤俎新美可愛海紅柑顆極大有及
尺似此圍者皮厚而色紅藏之久而味愈甘木高二三
尺有生數十顆者被重委地亦可愛是柑可以致遠初
因近海故以海紅得名洞庭柑皮細而味美比之他柑
韻稍不及熟最早藏之至來歲之春其色如丹其種自
洞庭山來故名朱柑類洞庭而大過之色絕焉紅味多
酸以刀破之漬以鹽始可食他柑必接唯朱柑不用接
而成金柑比他柑特小其大之如錢小者如龍目色似
金肌理細瑩圓丹可翫噉者不削去金衣若用以漬蜜

尤佳木柑類洞庭而膚理堅頑幾大而乏膏液外疆中
乾故名以木柑柑類洞庭高大過之每顆必八瓣不待
霜而黃比他柑加甜柑林未熟之日是柑最先摘置之
席間青黃照人全芳備祖韓彥直但知乳橘出于泥
山獨不知出于天治之黃巖者尤天下之奇也景苑
柑品不同而溫台之柑最良歲克上貢焉柑之火者擘
破氣如霜霧紺珠饅頭柑近蒂起饅頭尖味甘銅鈴
柑形如鈴頗酸山柑生岩谷間小如豆蜜煎食花柑霜
後弄色紅黃夾道美觀不可食兩航雜錄溫州乳柑
陳將軍曾以饋予自溫至錫閱數千里不變問何以然
曰採時不去其枝葉則氣不泄盛時以綠豆爲末劑其

溫

溫性則氣不蒸故久而不變橘錄凡柑圃之近塗泥
者實大而繁味尤珍耐久不損名曰塗柑販焉遠適者
遇塗柑則爭售正字通蜜羅柑皮皺事物原始近
有佛手柑形如佛手其皮點茶甚香藝海洞酌飛穰
一名佛手柑劉氏類山北勝州有柑狀如獅頭大如
碗述異記南康郡南東望山有人入山山頂柑子
正熟三人共食致飽懷二枚欲示人開空中語云催放
雙柑乃聽汝去異聞錄南中柑正熟上謂董元素曰
卿能致否元素安一盒于御榻前呼柑來數刻微風入
簾啓盒甘滿奏曰此江陵柑也異苑河內司馬元循

元嘉中爲新益令月旦設祭柑化而爲焉開元遺事
明皇得合歡柑與宰臣分食之又令工畫爲圖開元遺事明皇食柑千餘枚皆缺一瓣問進柑使者云途中有道士喫之蓋羅公遠也

橘

橘

春秋運斗樞璇樞星散爲橘書禹貢揚州厥

苞橘柚錫貢孔安國疏小曰橘大曰柚不耐寒故包致

考工記橘踰淮而化爲枳此地氣使然也淮南子

橘樹之江北化而爲枳山海經洞庭之山其木多橘

呂氏春秋果之美者江浦之橘神異經東方裔外

有建春山其上多橘史記江陵千樹橘與千戶侯等

屈原橘頌綠葉素華紛其可喜兮曾枝剡棘圓果搏

兮青黃雜糅文章爛熳杜預七規糅以丹橘洪舜

俞老圃賦冰醅青橘之絲草木狀橘白華赤實皮香

有美味自漢武帝交趾有橘官長一人秩二百石主貢

御橘述異記越多橘柚園歲出橘稅有稅戶名橘籍

吳闞澤表云請除臣橘籍吳志吳王饒魏文帝大橘

帝詔羣臣曰南方有橘酢正裂人牙時有甜耳李德

裕橘賦序清霜始降上命中使賜宰臣等朱橘各三枚

蓋靈園之所植也寰宇記橘洲在長沙縣江中大水

諸洲皆沒此洲獨存白玉蟾橘隱記瀟湘有橘鄉洞

庭有橘里彭澤有橘市獨異志李衡江陵種橘千樹

木至金生者此書
五
歲收其利謂其子曰吾有木奴千頭可爲汝業當終身
衣食也。清異錄莊宗小酌進新橘命諸候咏之唐朝
美詩先成有金香大丞相云云。後山詩話韋蘇州詩
云憐君臥病思新橘試摘纔酸亦未黃書後欲題三百
顆洞庭須待滿林霜此見右軍一帖云奉橘三百枚霜
未降亦可多得蘇州蓋取諸此。曲洧舊聞菓中易生
者莫如桃而結實遲者莫如橘諺曰頭有二毛好種桃
立不踰膝好種橘蓋言桃可待橘不可待。郭橐駝種
樹書南方柑橘雖多然亦畏霜不甚收唯洞庭霜雖多
無所損橘最佳歲收不耗以死鼠埋橘樹根下次年必
盛。澠繁經云如橘得鼠其果子多一感應類從志橘見

屍而實繁。一研北雜志洞庭以種橘爲業者其利與農
畝等宋政和元年冬大寒積雪尺餘河水盡冰凡橘皆
凍死明年伐而爲薪取給焉葉少蘊作橘薪以志其異
橘錄鄉人有用糖燉橘者謂之藥橘橘皮最有益於
藥去盡脉則爲橘紅青橘則爲青皮。

詩類
韓彥直橘錄黃橘狀比之柑差扁小而香霧多
于柑雨暘以時則肌克而味甘其圍四寸色方青黃時
風味尤勝過是則香氣少減塌塌狀大而扁其南枝之
向陽者外綠而心甚紅經春味極其美瓣大而多液包
橘取其纍纍然若包聚之義是橘外薄內盈隔皮脉瓣
可數有一枝而生五六顆者懸之極可愛縑橘微小極

軟美可愛故各結于甚稀沙橘取細而甘美之稱或曰種之沙洲之上地虛而宜于橘故其味特珍然邦人稱物之小而甘美者必曰沙如沙沙如沙特方言耳荔枝橘膚理緻密類荔枝故名軟條穿橘結實頗大皮色光澤其心虛有瓣如蓮子穿其中其體性弱不可犯霜不可以耐久又名為女兒橘油橘皮似以油飾之中堅而外黑綠橘比他橘微小色紺碧可愛不待霜食之味已珍聖之枝間色不盡變隆冬採之生意如新乳橘狀似乳相極甘芳又名漳橘自然橘以橘子下種待其長歷十年始作花結實味美美由其本性自然不雜人為故其味全早黃橘著花子子比其類獨早秋始半其心已

丹千頭方駿而早黃橘之微甘已回齒頰矣凍橘其類如常橘之半八月作花既而橘林已盡乃始傲然冰雪中著子甚繁春二三月始採之陳藏器補本草橘類有朱橘乳橘黃淡子紺珠山橘血橘湘橘獅橘狗橘蛻花橘述異記漢章帝時上虞縣獻五色橘廣州記羅浮山橘夏熟實大如柿南夷志甘橘大盤城有之其味甚酸有橘大如覆杯張勃異錄建安郡有橘九月結實正赤冬月樹上覆裹之至明年春夏色變青黑味尤絕美上林賦盧橘夏熟注盧黑色蓋卽是乎韓彥直橘錄序橘出蘇州台州西出荊州南出閩廣皆木橘耳不敢與溫橘齒江淮異人錄陳允升好道撫

州危全諷嘗夜坐謂之曰豐城橋美頗思之允升曰方
有一船泊豐城港今為取之港去城十五里少頃便還
攜一布囊得橋數百

異橘

黃帝外傳王母遺帝以崑山交枝萬年之橘

列仙傳穆天子會王母於瑤池食白橘拾遺記條陽

山中有白橘花色翠而實白大如瓜香聞數里草木

狀吳黃武中交阯太守士燮獻橘十七實同一蒂以為

瑞異續世說平西將軍庾亮送橘十二實共一蒂為

瑞異藝文類聚梁時玉僧辨家有橘三十子一蒂以

獻太真外傳明皇種橘于蓬萊宮結一合歡橘實上

與妃子持玩曰此果似知人意柳毅傳洞庭之陰有

大橘樹焉鄉人謂之社橘向樹三擊有武夫出于波間
揭水拓路函怪錄巴邛人家橘園有大橘如巨斗益
剖開有二叟對奕一叟曰橘中之樂不減商山恨不能
滾根固蒂為愚人摘下耳太平廣記李崇真在蜀庭
中有一橘大而晚熟有小孔如針竇條驚異及剖則有
赤斑蛇蟠其中

橙了

埤雅橙亦橘屬若柚而香物類相感志葉有兩刻缺
者是也生實香美可食韓彥直橘錄橙子木有刺似
朱欒而小經霜早黃膚澤可愛香氣馥馥可以熏袖可
以毛鮮可以漬蜜真嘉實也風俗通橙皮可為醬齏

翼苑橙實大者如杯苞黃皮厚覺劔如沸皮可清蜜
今人取橙皮合湯香味殊美橘不得比焉
南中橙柑青鳥所食始霜之且採之風味照座掌之香
霧噉人脈不黏嗜食不留汁
魏王花木志蜀中有給
客橙冬夏花實相繼通歲食之亦名盧橘
橙香在皮而瓢則酸古云在南稱柑在北稱橙非也

柚子

爾雅柚條郭注似橙實酢生江南
埤雅柚似橙而大
於橘故曰執錫分銀操橙証柚一名條秦風所謂有條
者即此本草云柚皮味甘誤也柚皮極苦不可向口皮
甘者乃橙耳
列子吳楚之國有大木其名曰櫟桐碧

樹而冬生實丹而味酸食其皮汁已憤厥之疾
春秋果之美者雲夢之柚
廣州記廣州別有雷柚
廣志成都有柚大如斗
原始今江南產大橘名曰柚
俗呼蜜團
桂海虞衡志廣南臭柚皮甚厚染墨打碑
可代檀劑且不損紙
五雜俎今閩廣有一種如瓜者
方言謂之拋蓋其蒂最牢任風拋擲而不墜也其色味
彌劣矣

柿

總論
說文柿赤實果也
爾雅翼柿於經罕見惟內
則所加庶羞三十一物中有之
酉陽雜俎柿有七絕
其一繁實
晉宮闕名華林園柿六十七株
范正祠

制孟冬祭用柿 歐陽修歸田錄今唐齊間多大柿其

初生澀堅實如石凡百十柿以一椀櫛置其中櫛棹亦可則

紅熟爛如泥而可食土人謂之烘柿者非用火乃用此

耳 酉陽雜俎木中根固柿為最俗謂之柿盤 韓昌

黎詩金鳥下啄頰虬卵註謂柿也 方書柿有紋稜者

治癰效 果譜柿餅大柿去皮捻扁日曬夜露至乾納

甕中待生白霜取出一名白柿又名柿花柿霜即柿餅

所出霜也乃柿中精液 正字通又有蘇音柿謂鹽漬

之也

詩類

格物論柿朱果也大者如樸圓八稜稍扁次者

如拳又有如牛心者有如雞鴨卵者又有名鹿心者至

小者名猴柿皆以少核者為佳八九月後方熟南劍尤

溪柿處州松陽柿最為奇品 述異記番禺有酸柿

戎菴漫筆柿類大小形狀極多有火盆柿大而匾方柿

四稜六稜乾瓢無核甚佳火珠柿多核不美綠柿品下

潛確類書黃柿可和米粉作糗朱柿皮薄更甘珍柿

柿色青性冷可生啖不堪乾能壓丹石毒火乾者為烏

柿日乾者為白柿 果譜塔柿大于諸柿去皮掛木上

風日乾之佳著蓋柿蒂下別有一層蒸餅柿狀如市賣

炊餅 學圃餘疏海門柿罐柿無核皆甘冷可食 紺

珠水柿脆而多漿菴吉柿出瓜哇國狀如榴皮厚潤如

福囊內白肉四塊甘酸 地理志梁侯園有烏柿八稜

柿許州土貢柿 西京雜記上林苑之棹三青棹赤葉
棹烏棹 正字通棹柿同類柿赤而棹烏綠故謂烏棹
本草棹柿柿之小而卑者他柿熟則黃赤唯此雖熟
亦青黑色 張爾公曰棹卽綠柿別名搗汁染罽扇曰
柿漆 蘇頌圖經一種小柿謂之軟棹俗呼牛嬾柿李
時珍曰小員如指頭大者名丁香柿

荔枝 附錦荔枝

總論 蜀都賦側生荔枝 扶南記木以荔枝為名者

以其結實時枝弱而蒂牢不可摘取以刀斧剗取其枝
故以為名耳 西京雜記尉佗獻高祖鮫魚荔枝高祖
報以蒲桃錦四疋 三輔黃圖漢武帝破南越得龍眼

荔枝甚蒲植上林苑中因起扶荔宮荔枝自交趾移植
百株于庭無一生者連年猶移植不息後數歲樹一
稍茂終無華實一旦萎死遂不復蒔其實則歲貢焉
謝承後漢書和帝時交趾七郡貢生荔枝十里一置五
里一堠晝夜奔騰有毒蛇猛獸之害臨武長唐羌上書
言狀罷之 晉書咸寧二年六月癸丑薦荔枝于太廟
唐書楊妃生於蜀好荔枝南海荔枝勝蜀故每歲飛
馳以進然方暑而熟經宿輒敗 曾鞏貢荔枝狀生荔
枝雷五七日輒壞故雖歲貢皆乾而致之荔枝成實在
六七月間雖乾而致之然新者於其甘滋猶未盡失至
於經歲則所存者特其滓直而已 南方草木狀荔枝

樹高五六丈餘如桂樹綠葉蓬蓬冬夏榮茂青華朱實
實大如雞子核黃黑似熟蓮實白如助甘而多汁似安
石榴有甜酢者至日將中翕然俱赤則可食也一樹下
子百斛張九齡荔枝賦序南海郡出荔枝焉每至季
夏其實乃熟狀甚瓌詭味特甘滋百果之中無一可此
白樂天荔枝圖序生巴峽間形狀如帷蓋葉如桂冬
青花如橘春榮實如丹夏熟棗如蒲桃核如枇杷殼如
紅繒膜如紫綃瓢肉潔白如冰雪漿液甘如醴酪若離
本枝一日而色變二日而香變三日而味變四日外
色香味盡去矣李肇國史補李直方嘗第果實名如
貢士者或薦荔枝曰當舉之首清異錄閩士謂我上

荔枝真壓枝天子釘坐真人天下安有竝駕者果譜
荔枝以林檎爲兄石榴爲弟龍眼爲奴蔡襄荔枝譜
荔枝食之有益於人列仙傳稱有食其華實爲荔枝仙
人本草亦列其功葛洪云蠲渴補髓或以其性熱有人
日噉千顆未嘗作疾卽少熱以蜜漿解之開元遺事
明皇命方士以藥傳荔枝根得核小宮人呼爲丁香子
影燈記玄宗正月十九夜于長春殿漫撒闔中紅錦
荔枝令宮人爭拾之清異錄嶺南荔枝固不逮閩蜀
劉鋹每年設紅雲宴正紅荔枝熟時蔡譜荔枝唯閩
粵南巴巴蜀有之漢初南粵王尉佗以之備方物始通
中國相如賦上林云峇遠離支卽荔枝蓋夸之也今廣南

州郡與夔梓之間所出大率早熟肌肉薄而味甘酸其
精好者僅比東閩之下等閩中唯四郡有之福州最多
興化軍最爲奇特泉漳時亦知名其于果品卓然第一
吳錄蒼梧多荔枝生山中人家亦種之 南中八郡
志隄爲饒道縣出荔枝 水經注巴州治有官荔枝園
夏至則熟二千石嘗設廚膳命士大夫共會樹下食之
容齋隨筆莆田荔枝名品皆出天成雖以其核種之
終與其本不相類宋香之後無宋香所存者孫枝耳陳
紫之後無陳紫過牆則爲小陳紫矣里人謂此果形狀
變態百出或似龍牙或類鳳爪鉞頭紅之可簪綠珠子
之旁綴是豈人力所能加哉 蔡譜有間歲生者謂之

歌枝有仍歲生者半生半歇也最忌麝香或遇之花實
盡落其熟未經採摘蟲鳥皆不敢近或已取之蝙蝠蜂
蟻爭來蠹食園家每破竹五七尺搖之簌簌然以逼蝠
蝠之屬 吳船錄六月辛巳招送客燕于眉州時荔子
已過郡中猶餘一株皆如渥丹盡擷以見餉偶有兩椀
畱館中經宿取視綠葉紅實粲然乃知尋常用籃絡盛
貯徒欲透風不知爲雨露沾灑風日炙薄經宿色香都
變試取數百顆貯以大合密封之走介入成都以遺高
宋二使者亦兩夕到二君回書云風露之氣如新記之
以告好事者 徐勣荔枝譜當盛夏時乘曉入林中帶
露摘下浸以冷泉則殼脆肉寒色香味俱不變嚼之可

至數百顆或畏其飽點鹽少許噉之即消又鄉人常選鮮紅者於竹林中擇巨竹繫開一竅置荔節中仍以竹篾裹泥封固其隙藉竹生氣滋潤可藏至冬春色香不變若紅鹽火焙曬煎者俱失真味竟成二物矣 黃庭堅答王補之書某所作荔支湯擘生荔支肉別貯其自煎汁以水解白沙蜜漸入和合令味相得即并荔支肉上火煮減半以瓷合貯之計客數人一勺又令入湯小半盞煎沸用紗囊盛龍腦先撲熱蓋乃注湯 蔡譜紅鹽者民間以鹽梅滷浸佛桑花為紅漿投荔枝漬之曝乾色紅而甘酸可三四年不蛀白曬者正爾烈日乾之以核堅為止畜之甕中密封百日謂之出汗去汗耐久

不然踰歲壞矣蜜煎者剝生荔枝竿去其漿然後密裹之予前知福州用曬及半乾者為煎色黃白而味美可愛 農書荔枝或朶曬乾者名為荔錦 山堂肆考叙州府土人善為荔枝煎可以致遠 徐譜劉誠意謂乾荔支變者先於殼上刺十許孔用蜜水浸之以銀盃盛于湯罐頭上蒸透即肉滿可食

詳類 圖經荔枝其品閩中第一蜀川次之嶺南為下荔枝有名狀元紅惟楓亭為多 吳船錄川廣荔枝生時固有厚味多液者乾之肉皆瘠閩產則否 蔡譜興化軍最重陳紫其樹晚熟其實廣上圓下大可徑寸有五分香氣清遠色澤鮮紫殼薄而平瓢厚而瑩膜如桃

果類 荔枝

花紅核如丁香母剝之凝如水晶食之消如絳雪凡荔
夏以甘爲味若過甘與淡失味之中唯陳紫之干色香
味自接其類陳氏欲採摘必先閉戶隔牆入錢度錢與
之得者自以爲幸不敢較其直之多少也江家綠大較
類陳紫而差大獨香薄而味少淡方家紅可徑二寸色
味俱美言荔支之大者皆莫敢擬游家紫出名十年種
自陳紫實大過之小陳紫比陳紫差小又時有烈核者
因而得名宋公荔枝樹極高大實如陳紫而小甘美無
異或云陳紫種出宋氏世傳其樹已三百歲舊屬王氏
黃巢兵過欲斧薪之王氏媪抱樹號泣求與樹皆死賊
隣之不伐藍家紅泉州爲第一周家紅獨立興化軍三

十年後生益奇聲名乃損然亦不失爲上等何家紅出
漳州法石白出泉州法石院色青白綠核頗類江綠色
舟而小荔枝皆紫核此以絲見異出福州圓丁香丁香
荔枝皆傍蒂大而下銳此種體圓與味皆勝虎皮者紅
色絕大繞腹有青紋正類虎斑牛心者以狀言之長二
寸餘皮厚肉澀玳瑁紅荔枝上有黑點疎密如玳瑁斑
疏黃顏色正黃而刺微紅亦小荔枝以色名之也朱柿
色如柿紅而扁大亦云柿柿出福州蒲桃荔枝穗生一
朶至一二百將熟多破裂凡荔枝每顆一梗長三五寸
附于枝此等附枝而生樂天所謂朶如蒲桃者正謂是
也其品殊下蠟殼者殼爲滾渠如瓦屋焉龍牙者荔枝

之變怪者其殼紅可長三四寸彎曲如爪牙而無瓢核
全樹忽變非常有也水荔枝殼多而淡食之蠲渴荔枝
宜依山或平陸有近水田者清泉流溉其味遂爾出與
化軍蜜荔枝純甘如蜜是謂過甘失味之中下香荔枝
核如小可香樹病或有之亦謂之懶核皆小實也六下
香出福州厚殼紫色瓢多而味微澀雙髻小荔枝每朵
數十皆並蒂雙頭因以目之真珠剖之純瓢圓白如珠
荔枝之小者止于此十八娘色紫紅而細長時人以少
女比之俚傳閩王王氏有女第十八好啜此品因而得
名其塚旁猶有此樹云將軍荔枝有爲此官者種之出
福州叙頭頭紅而小可間婦人簪翹之側故特貴之粉

紅者荔枝多淡紅而色淺者爲異謂如傅朱粉之飾故
曰粉紅中元紅荔枝將絕纔熟以晚重于時火山本出
廣南四月熟味甘酸而肉薄穗生梗如枇杷樹中近亦
有之徐謹福州品有馳蹄長大甘柔金櫻上銳下方
色淡黃栗玉似金櫻而圓味差勝洞中紅出宿猿洞因
名星毬紅色紅而不絳扁者如橘圓者如雞子核皆如
丁香亦有無核者食之甘脆有韻蓋神品也饅頭皮粗
厚味甘大如饅頭故名磨盤皮粗厚味甘大如雞子近
蒂處甚平七月熟金線實圓刺尖有金線界其中賦池
超實圓味甘中冠亦呼中觀體圓核小皮光味清成熟
時香聞數里惟鳳岡環水內者肉裹其核過半他處肉

薄核露風味頓減桂林皮粗厚大如雞子味甘金鐘形如鐘皮畧蠱厚色如硃砂味甘類桂林勝畫皮厚刺尖味甘肉豐七月熟出長樂縣六都者佳鑛玉皮麤厚味甘濃綠珠一名結綠俗呼綠荔支實如山榛無核味最清至熟時實與葉無辨惟鳳岡有之此異品也紅繡鞋實小而尖形如角黍核如丁香味極甘美傳卽十八娘種雞引子一朶數十枚大小錯出其大者核小小者無核七月熟山中冠實大而圓餘荔將盡此荔始熟味微酸澀馬先白其熟最早味不甚甘山金鐘實大微長荔之中等者中秋綠色綠味微酸熟最後故名松檜蕾皮厚而粗味澀大如松子故名勝江萍以味甘得名皮光

山枝中之最佳者或呼爲勝江陳淨江瓶俱此種滿林香皮微黃味甘其香倍於衆品鶯卵皮光無刺色紅蜜丸味甘肉厚俗呼肉丸鶯卵皮薄實圓斑如鶯卵味微酸山枝中之佳者七月熟曰蜜皮粉紅甘如蜜醋壺色微黃味酸品最下雞卵實扁味甘色紅無核牛膽類極大一握僅三四枚山枝品之異者輿化品有星垂皮紅實如鴨卵荔支之最大者俗呼秤錘出莆田吳塘村樹大七八圍腹空可容五六人盤根如山霞墩荔枝出霞墩故名蔡宅紅出蔡君謨故居因名黃石紅卽蔡譜中宋公荔枝又斲玉郎官紅游丁香紫瑤百步蘭西紫黃香瑞堂紅松紅麝囊紅黃玉玉堂紅白蜜青甜松黃水

潘綠羅袍綠紗名泉州品有七夕紅早紅張官人馬家綠
百步香火烟鱉卵皮紅大如鱉卵核如米粒綠衣郎皮
絲如瓜皮實如鴨卵味甘澀柳鐘類極大類興化秤錘
進貢子其熟最先實如黑葉黑葉皮紅比狀元紅稍大
麻餅味甘酸漳州品有中半虎皮斑冰爵大綠小綠余
家綠老學菴筆記余浚罷相居福州第中有荔枝絕
大而美名曰亮功紅亮功者浚家御書閣名曾子固
荔枝狀一品紅言于荔枝為極品也出福州陳翰臣
瀟瀟齋筆談宋家香見劄于黃巢樹幹既穿荔枝遂隙
劄之一一可驗此理之不可曉者延壽紅乃宋狀元徐
鐸所植迄今亭亭獨茂果實豐美樹下有井者月就噉

樹下汲井渌浸荔枝實風味倍增蔡氏宗祠中綠紗一株
歲不多生而色香味殊絕半或無核足稱珍品閩部
疏楓亭荔枝名以狀元香為最然實不如長樂勝畫肉
厚而味甘當為種中第一第乾之不能如狀元香風味
廣志南廣荔枝熟時百鳥肥其名曰焦核小次曰春
花次曰胡椒此三種為美有似鱉卵者大而酸以為醢
和率生稻畦間顧表錄異荔枝焦核者性熱液井食
之過度即蜜漿制之又有蠟荔枝黃色味稍劣于紅者
雞肋編海南有無核荔枝談苑荔枝再接遂無核
海槎餘錄荔枝產于瓊山者曰進奉子核小而肉厚
味甚嘉土人摘食必以淡鹽湯浸一宿則脂不黏手

果類 荔枝 錦荔枝 龍眼

梧潯雜佩潯州亦有荔枝獨平南所出最佳皮色綠而雜以紅點斑駁可愛名曰綠葉香味亦不下鬱林又自邑至郡疾行半日可達故鮮美尤勝 桂海虞衡志龍荔狀如小荔枝而肉味似龍眼但可蒸食不可生噉

錦荔枝

高濂草花譜錦荔枝草本藤蔓種盆結縛成蓋生果若荔枝少大色金紅肉甜可食

龍眼

蜀都賦旁擬龍目 魏文帝詔南方果之珍異者有龍眼荔枝令歲貢焉 吳氏本草龍眼一名比目 廣雅益智龍眼也 果譜一名繡水斷川彈子 彙苑一種最大者曰虎眼肉厚味甘食之益人 南方草木狀龍

眼樹如荔枝但枝葉稍小殼青黃色形圓如彈丸核如木椀子而不堅肉白而帶漿其甘如蜜一朶五六子作穗如蒲萄然荔枝過即龍眼熟故謂之荔枝如言前隨其後也 清異錄賈人自嶺外還得一枝龍眼已盤乾凡四十顆共千枚至荆南獻高保勉因作小琅玕盤子立置之名之曰海珠叢 錦繡萬花谷廣州別有龍眼似荔枝而小又坡云廉州龍眼質味殊絕可敵荔枝 東坡集閩越人高荔子而下龍眼吾為評之荔子如食蟪蛄大蟹斫雪流膏一噉可飽龍眼如食彭越石蟹嚼齒久之可無所得然酒闌口爽饜飽之餘則啞啄之味石蟹有痔勝蟪蛄也 顧大典清音閣集龍眼熟稍

後而夜頭灼灼如黃金彈丸其味雖不及荔枝甘醲而清潤似過之鄙之爲奴則過矣其殆伯仲之間乎
閩部疏山果中有枝葉畧似鳳尾焦者曰山龍眼結實纍纍似龍眼小而味酸山僧取以供佛

楊梅

臨海異物志楊梅大如彈丸正赤五月中熟熟時似梅其味甜酸
格物論有紅白紫三種紅者味勝于白紫者又勝于紅顆大而核細尤天下之奇也
南越行紀羅浮山頂有湖楊梅山桃繞其際海人時登採拾止得於上飽噉不得持下
林邑記林邑山楊梅其大如杯梅青時極酸既紅味如崖蜜以醞酒號梅香耐非貴人

重客不得飲之
劍南詩注項里鄉俗謂楊梅止口梅謂選擇楊梅曰作梅
吳興記故章縣北有石郭山上

生楊梅常以貢御
南越志熙安縣多楊梅
彙苑楊梅塢內金姬家楊梅甚盛俗所謂金婆楊梅是也至今

其地楊梅之美異于他處產者
果譜會稽產者爲天下冠吳中楊梅名大葉者最早熟味甚佳次則卞山本

出茗溪移植光福山中尤勝又次爲青蒂白蒂及大小
松子
金樓子楊氏子九歲孔君平指楊梅示之曰此

君家果
東坡詩註揚州人呼白楊梅爲聖僧
北戶錄播州有白色者甜而絕大
湘潭記陸展郎中見楊

梅歎曰此果恐是日精然若無蜂兒採香誰勝難和之

味卽以竹絲籃貯干枚并茶花蜜送衡山道士 劍南
詩注太白詩玉盤楊梅爲君設吳鹽如花皎白雪不知
楊梅酸者乃薦以鹽佳品未嘗用也 姑臧記趙綸妻
死遺雪竹搔頭階下不數日化爲楊梅花朵如撒時人
異之 揮塵錄楊梅仁可療腳氣疾

枇杷

上林賦枇杷檠栢註張揖曰枇杷似檠樹而長葉子如
杏 格物論樹高丈餘枝肥葉大有毛冬華夏實大者
如雞子小者如梅味甜酢黃熟方可食 孔平仲談苑
枇杷須接乃爲佳果一接核小如丁香 果譜枇杷秋
萌冬花春實夏熟備四時之氣 田家五行枇杷五月

開結主水

西京雜記上林苑枇杷十株 晉宮閣名

華林園枇杷四株

范注祠制孟夏祭用枇杷 唐史

建中初詔江南枇杷歲貢一次以供廟饗

荊州土地

記宜都出枇杷

雞肋編廣州有無核枇杷 清異錄

建業野人種梨者詫其味曰蜜父種枇杷者恃其色曰

蠟兒

廣志枇杷無核者名焦子 彙苑今廣東呼枇

杷爲盧榻其葉名無憂尉

餘冬錄相如作賦不知盧

榻爲枇杷

視聽鈔今世呼枇字爲入聲樂天詩云淡

山老去惜年華况對東溪野枇杷其音自唐然矣

櫻桃 附山櫻桃

禮月令仲夏之月天子羞以含桃先薦寢廟

廣雅含

桃櫻桃也。爾雅：棡棡桃。郭注：今櫻桃也。爾雅：櫻桃為木多臈其果先熟許慎曰：鶯之所含食故曰含桃。又謂之鶯桃則亦以鶯所含食故曰鶯桃也。其類大者或如彈丸小者如珠璣。南人謂小者為櫻珠。本草衍義以其形肖桃故曰櫻桃。博物志：櫻桃或如手指春秋冬夏華實竟歲。蜀都賦：朱櫻春熟。楊膳夫錄：大而殷者曰吳櫻桃黃而白者曰蠟珠小而赤者曰水櫻桃食之皆不如蠟珠。莫氏本草：一名牛一名麥英一名朱菜主調中益脾氣令人好顏色美志氣。賈志：櫻桃大者有長八分者有白色多肌者凡三種。西陽雜俎：衛公言滑州櫻桃十二枚及一尺。清異錄：櫻桃素

盛惟陽地各掌扇岡尤繁妙有一樹收子至三石者。西京雜記：上林苑榎四株。洛陽宮殿簿：顯陽殿前櫻桃六株徽音殿乾元殿前竝二株。晉宮闕名：華林園櫻桃二百七十株。獨異志：漢惠帝時叔孫通諷上曰古者春有獻今櫻桃熟願陛下取之獻果皆自此始。東觀漢記：漢明帝時太官進櫻桃以赤瑛為盤賜羣臣月下視之盤與桃同色如空盤。景龍文館記：帝命侍臣樹下摘櫻桃恣其食大陳宴席奏宮樂至暝人賜朱櫻二籠。王保定摠言：新進士尤重櫻桃宴時櫻桃初出和以糖酪人享蠻畫一小盞不啻數升。國史補：李直方第果品櫻桃為三。金城記：黎舉欲以棖桐子臣

櫻桃但恨時不同耳。酉陽雜俎養櫻桃至五月中皮皺如紅柿不落其味數倍。山家清供櫻桃經雨則蟲自內生人莫之見用水浸良久蟲皆出乃可食。爾雅注今櫻桃最大而甘者謂之崖蜜。戴氏鼠璞鬼谷子云崖蜜櫻桃也他無經見予讀南海志崖蜜子小而黃殼薄味甘增城惠陽山間有之雖不知與櫻桃為一物與否要其類也。

本草山櫻桃一名朱桃一名麥櫻一名英豆一名李桃樹如朱櫻子小而尖。

格致鏡原卷七十五終

格致鏡原卷七十六

果類二

葡萄

博物志張騫使西域還得葡萄。天帖李廣利為貳師將軍破大宛得葡萄種歸漢。異國志龜茲胡人奢侈家有致干斛葡萄漢使取實來離宮別館旁盡種之。史記大宛以葡萄為酒數千歲不敗。晉宮閣名華林園葡萄一百七十八株。洛陽伽藍記葡萄實大於棗至熟時常取之以賜宮人。南部新書太宗破高昌收馬乳葡萄種於苑中并得酒法。格物論葡萄苗作藤蔓而極長大盛者一二本綿被山谷開花極細。

格致鏡原卷之六
黃白色其實紫白黑三種而形之圓銳亦二種
〔本草〕益氣強志令人肥健少飢延年輕身
〔魏文帝詔〕蒲萄解酒宿醒掩露而食甘而不餽脆而不酸冷而不寒味長汁多除煩解胃道之固已流涎咽唾况親食之耶他果寧有匹之者
〔西陽雜俎〕俗言蒲萄蔓好引於西南庾信謂魏使尉瑾曰我在鄴遂大得蒲萄奇有滋味陳昭曰作何形狀徐君房曰有類軟棗信曰君殊不體物何得不言似生荔枝
〔談藪〕梁使徐君房與魏使陳昭各言方物昭問君房蒲萄味何如橘柚荅曰津液奇勝芬芳減之君房曰金衣素裹見包作貢向齒自消良應不及
〔河東備錄〕楊炎食蒲萄曰汝若不澀當以太原

食尹相按 〔國史補〕李直方第果品蒲萄爲五
〔清異錄〕溫庭筠曰蒲萄是賜紫櫻桃
〔視聽鈔〕今世呼蒲萄字爲入聲樂天詩云酒餘送盞推蓮子燭淚堆盤壘蒲萄其音自唐然矣
〔花木考〕蒲萄宜種棗樹旁春間鑽棗樹作一竅引蒲萄枝從竅中過俟大滿竅斫去其根使托棗生實大而甘美以米泔澆之
〔詩類〕〔漢書〕無雷國屬賓國皆有蒲萄
〔秦州記〕秦野多蒲萄
〔王逸〕荔枝賦西旅獻崑山之葡萄
〔唐書〕磨鄰老勃薩歲獻貴人蒲萄實大者如雞卵又西域有竅赤建國多蒲萄又焉耆國土宜蒲萄
〔清異錄〕河東蒲萄有極人者唯土人得啖之其至京師者百二子紫粉

頭而已。酉陽雜俎：貝丘之南有蒲萄谷，谷中蒲萄可
就其所食之，或有取歸者，即失道，世言王母蒲萄也。天
寶中，沙門曇霄持還本寺，植之遂活，長高數仞，蔭地十
丈，仰觀若帷蓋，房實磊落紫瑩，如墜時人，號為草龍珠
帳。果譜：水晶蒲萄，暈色帶白，如著粉形，大而長，味甚
甜。西番者，更佳。馬乳蒲萄，色紫形大而長，味甘。紫蒲萄
黑色，有大小二種，酸甜二味。綠蒲萄，出蜀中，熟時色綠
若西番之綠蒲萄，各兔晴味勝糖蜜，無核，則異品也。其
價甚貴，瓊瓊葡萄，出西番，實如小胡椒，云小兒常食，可
免生痘。又云：痘不快，食之即出。今中國亦有種者，一
中間生一二穗，雲南者大如棗，味尤長。葉向高四夷。

考：朶顏三衛產白蒲萄。高濂草花譜：野蒲萄生諸山
中，子細如小豆，色紫蒼，蒼而生狀若蒲萄。

石櫛

埤蒼：石櫛柰屬。廣雅：若櫛，石櫛也。通雅：石櫛古今
注各丹若。陸機與弟書：張騫為漢使外國十八年得
塗林安石櫛種。潘岳賦：石櫛者天下之奇樹，九州之
名果，千房同膜，十子如一。格物論：石櫛苞如杯，赤色
黑斑中如蜂窠，子如人齒，光皎琥珀，又有潔白如雪者，
有甜酢二種，熟時其苞自裂，各果也。洛陽伽藍記：白
馬寺石櫛甚甜，得者不敢輒食，轉遺親戚。至歷數家，京
師語曰：白馬甜櫛，一石直牛。宋書：晉安帝時，武陵臨

沅獻安石榴一蒂六實鄴中記石虎苑中有安石榴
子大如椀蓋其味不酸扶南傳頓遜國有安石榴取
汁停杯中數日成美酒西陽雜俎南詔石榴子大皮
薄如藤紙味絕於洛中又云甜者名天漿能已乳石毒
瑣碎錄河陰石榴名三十八者其中只有三十八粒
子段成式續集大食勿斯離國石榴重五六斤物
性志子白者名水晶石榴道家謂之三尸酒玄覽石榴
之實醉三尸廣記新羅多海石榴北史齊安德王
延宗納趙郡李祖收女為妃後帝幸李宅宴而妃母宋
氏薦二石榴於帝前收曰石榴房中多子王新婚妃母
欲子孫衆多帝大喜北戶錄代國公主以石榴作朋

脂輒棄其實野客叢書錢王諱鏐音以石榴為金櫻
避暑錄回道人醉于沈東老家取食餘石榴皮書詩
一絕卽長揖出門越石橋而去志雅堂雜鈔凡碾工
描玉用石榴皮汁則見水不脫

林檎

述真記林檎果實可作比櫛椹實微大其狀醜其味香
關輔有之江淮南少廣志林檎似赤柰子亦名黑檎
一名來禽言味甘熟來衆禽也北人呼為頻婆果劉
楨京口記南國多林檎洽聞記唐永徽中魏郡人王
方言種林檎實如小黃瓠色白如玉間以朱點味美非
常進于高宗種之苑中謂之朱柰又名五色林檎或謂

之聯珠果。因賜方言文林郎故又名文林果。劉孝威
謝賚林檎啓。生于玉井之側。出自金膏之地。清異錄
馮長樂別墅來禽數種。有蒟檎。紫粉。分心。軟帶。諸名。
李時珍本草。其類有金林檎。紅林檎。水林檎。蜜林檎。黑
林檎。皆以色味得名。緇珠俗名花紅。大者名沙果。又
天方來禽。一枚重五斤。學圃餘疏北土之頻婆果。卽
花紅一種之變也。清異錄來禽百枚。用蜂蜜浸十日。
取出。別入蜂蜜五斤。細丹砂末二兩。攪拌封泥。一月出
之。陰乾。名冷金丹。飯後酒時食一兩枚。其功勝九轉丹。
花木考句曲山房熟水法。削沉香釘數箇。插入林檎
中。置餅內。沃以沸湯。密封餅口。久之。乃飲其妙。莫甚。

桂苑叢談。隋時王德祖家有林檎樹。生瘰大如斗。經三
年。其瘰朽爛。德祖撒其皮。遂見一孩兒抱胎而出。因收
養之。名曰梵志。

檄欖 附餘甘

稽含草木狀。檄欖樹身聳枝高數丈。其子浚秋方熟。味
雖苦澀。咀之芬馥。勝含雞舌香。吳時歲貢。以賜近侍。
嶺表錄異。閩中尤重其味。咀之香口。核有稜。內三竅。有
仁。能解酒毒。置茶中。尤佳。有野生者。子繁樹峻。不可梯
緣。但刻根下方寸許。納鹽其中。一夕子盡落。彙苑檄
欖生嶺南。今閩廣諸郡皆有之。木似木樨。而高且端直。
可愛。大如棗。兩頭尖。青二月花生。至八月熟。先生者向

下後生者漸高味苦酸而澀食久方回甘昔人名爲諫
果人誤食鯨鮪肝至迷悶者飲其汁立差學齋佔畢
東坡咏橄欖詩云紛紛青子落紅鹽蓋凡果之生也必
青及熟也必變色如梅杏半傳黃朱果爛枝繁是也唯
有橄欖雖熟亦青故謂之青子不可他用也本草有
五種一丁香欖二故欖三蠻欖四新婦欖五絲欖范
成大曰又有烏欖方欖海槎餘錄青橄欖無仁烏橄
欖有仁外肉取來杵碎乾放則自有霜堆起如白鹽各
曰欖醬物類相感志枝節間有脂并皮葉煎之如黑
錫謂之欖糖用泥海船著水如漆益堅緊也正字通
木枝狀如黑膠者土人採取蒸之甚芬烈謂之欖香一

種波斯橄欖核三瓣蜜漬食廣志東向枝曰橄欖南
向枝曰木威又名南威圖經威寧俗作橄欖郝經
橄欖詩注南人謂之格覽臨海異物志餘甘唯泉州有之其子梭形又如
枋實兩頭銳有刺始嚼味酸澀飲水乃甘餘甘橄欖同
一物異名耳以蜜藏之亦佳吳錄高涼安寧縣有餘
甘雲南記瀘水南岸有餘甘子色微黃味酸苦核有
五稜異物志餘甘如彈丸大視之理如定陶瓜片初
入口如苦忽咽中乃更甜美鹽而蒸之尤美可多食
本草菴摩勒餘甘子也山谷詩註餘甘一名味諫今
稱諫果

周成雜字檳榔果也似螺可食廣志木實曰檳榔彼方珍之以為口寔亦出交趾吳普本草檳榔一名寶門尖長有紫文者各橫圓而矮者為榔又名螺果仙藥錄檳榔一名仁頻南方草木狀檳榔樹高十餘丈皮似青桐節如桂竹下本不大上枝不小森秀無柯端頂有葉似甘蔗條派開破仰望眇眇如插叢蕉于竹杪風至獨動似舉羽扇之掃天葉下繫數房房綴數十實實大如桃李天生棘重累其下所以禦衛其實也堅如乾棗以扶雷藤古黃灰即蠟蟬并食則滑美下氣消穀出林邑土人以為貴款客必先進若邂逅不設用相嫌

恨異物志檳榔樹如笋竹生一竿近上未五六尺間洪腫起如癭木焉因坼裂出若黍秀也無華而為實俞益期與韓康伯淺檳榔信南越之奇觀子既非常木亦特異葉聚樹端房棲葉下華秀房中子結房外其中空其外勁調直亭亭千百若一步其林則寥朗庇其陰則蕭條性不耐霜不得北植必當遐樹海南遼然萬里鶴林玉露檳榔功有四醒能使醉每食則熏然頰赤若飲酒醉能使醒酒後嚼之則寬氣餘醒頓解飢能使飽飢而食之則克然氣盛飽能使飢食後食之則食消化海槎餘錄檳榔產于海南每親朋會合互相擊送以為豐三義月下月三日以造檳榔而已南史宋劉

檳榔 香櫟

穆之家貧嘗乞食于妻兄江氏一日食畢求檳榔江氏兄弟戲之曰檳榔消食君乃常飢何忽須此及穆之爲丹陽尹色妻兄弟以金梓貯檳榔一斛進之羅浮山疏山檳榔一名蒟子幹似蕉葉似柞一葉十餘幹每幹生十房房底數百子四月採

香櫞

廣州記一名柯櫞樹似橘實如柚大而倍長味奇酢格物叢話人愛其香氣謂之香櫞今南劍州產此取以供歲貢韓彥直橘錄香櫞木似朱欒枝間有刺其長如瓜有及一尺四五寸者清香襲人酒闌并刀破之蓋不減新橙也續表錄柯櫞形如瓜皮似橙而金色故

公重之且愛其香氣南土女人競取其肉雕鏤花鳥浸之蜂蜜點以胭脂亦不讓于鏤木瓜冬瓜也學圃雜疏香櫞酸澀齒以爲湯則大佳異物志味不美可浣治葛苧若酸漿橘錄香欒大于朱欒形圓色紅芳馨可翫朱欒其花絕香顆圓實皮粗皺堅味酸不可食摘置几案間久則其臭如蘭

木瓜

爾雅楛木瓜郭註實如小瓜酢可食詩衛風投我以木瓜清異錄木瓜性益下部若脚膝筋骨有疾者必用焉故號爲鐵脚梨蜀本草木瓜樹如柰花作房生子形似括樓火乾甚香水經注魚復縣地多木瓜樹子

大如瓠白黃實甚苦香地理志鹽州貢鹽山木瓜杭
 州潭州湖州貢木瓜全芳備祖宣州人種蒔木瓜滿
 山谷實成則鑿紙薄其上夜露日晡漸而變紅本州以
 克貢焉五行志太和三年成都李樹生木瓜空中不
 實廣志木瓜子可藏枝為杖長一尺百二十節明
 皇雜記唐元獻皇后思食酸味明皇以告張說因進經
 袖出木瓜以獻語林崔涓守杭州湖上飲餞客獻木
 瓜所未嘗有也有中使即袖歸欲進于上既去守懼得
 罪官妓作酒糾者白守某度木瓜經宿必委中流也此
 物芳脆易損必不能入獻會送者還云果漬爛弃之矣
 三國典略木瓜灰毒魚魚皆死浮出

胡桃

本草出自羌胡張騫使西域還始得種植之秦中後漸
 生東土改名核桃名物志名羌桃飛書各播師羅
格物總論胡桃生北土今陝洛間多有之大株厚葉
 多陰實青皮有房瓢白味甘殼薄者為佳食之令人肥
 健晉書鈕滔母荅吳國書曰胡桃本生西羌外剛樸
 內柔甘質似古賢欲以奉貢荀氏春秋祠制常設用
 胡桃雲仙散錄開元中長安物價大減胡桃炙十金
 一样朝野僉載立都觀葉法善取胡桃二升并殼食
 之竝盡廣志陳倉胡桃薄皮多肌陰平胡桃大而皮
 脆急捉則碎草木子胡桃仁曰蝦蟆西陽雜俎蔓

胡桃出南詔大如扁螺兩隔味如胡桃
胡桃花厚而堅底平如檳榔以斧椎之方破

金橘

韓彥直橘錄金橘生山逕間木高不及尺許結實繁多
取者至數升肉瓣不可分止一核 歐公歸田錄金
橘產于江西香清味美置之樽俎光彩的燦如金彈丸
誠珍果也溫成皇后好食之由是價重京師若欲久蓄
著于綠葦中藏之可經時不變蓋橘性熱豆性涼故能
久也 冷齋夜話劉淵材恨金橘太酸 彙苑金橘小
如彈丸黃如金唯出營道者為天下魁出江浙者皮甘
肉酸不逮矣 學圃雜疏金橘牛乳者易生而品下圓

省甘香 涪翁雜志武陵有一種小橘名稜疑即今之

金橘 果譜金豆一名山金柑一名山金橘

格物論銀杏樹高大葉薄有刻缺實如枇杷大每一枝

百十顆八九月熟採之去其皮與肉取核為果瓢黃白
色去膜炒食之一名鴨脚因葉相似也 瓊碎錄銀杏

有雌雄雄者三稜雌者兩稜須雌雄同種方結實或雌
樹臨水種照影亦結或將雌樹鑿一孔以雄木填之北

人稱為白果南人稱為靈眼宋初始入貢改各銀杏
彙苑銀杏二更開花三更結實又名公孫樹言其實久

而後生公種而孫方食取之者以竹箴籬其本擊篋自

落 正字通 一名平仲左思吳都賦平仲裙襴註劉成
曰平仲之木實如銀陳藏器以爲卽銀杏也 春渚紀
聞元豐間禁中有果名鴨脚子者四大樹皆合抱其三
在翠芳亭之北歲收實至數斛而得地陰翳無可臨玩
之所其一在太清樓之東得地顯曠可以就賞而未嘗
著一實裕陵嘗指而嘆明年一木遂花而得實數斛裕
陵大悅命宴太清以賞仍分頒侍從 歐公詩註 京師
舊無鴨脚樹駙馬王和父自南方移植于其第 華夷
花木考塗山頂有銀杏一株大可數百圍不知年矣
三元延壽書白果食滿千顆殺人

彙苑松有二種唯五葉者結子 格物總論 松子三種
海松子生新羅如小栗三角其中仁香美東夷食之當
果雲南松十已豆相似味不及也 清異錄 新羅使者
每來多鬻松子有數等五角香重堂棗御家長龍牙子
惟五角香最奇使者亦自珍之 顧愔新羅國記 松子
形如桃仁而稍小皮硬浸酒療風 紺珠 松子出遼東
實小殼褐色肉白香美 嵩山記 嵩高山有大松樹
千歲或百歲採食其實得長生 廣志 千歲老松子色
黃白味似栗可食 果譜 松子以粗布袋盛挂當風處
則不膩 神仙傳 偓佺好食松實能飛行速如走馬以
松子遺堯堯不能服受服者皆三百歲

各文彙 松子 松子 松子

榛子

左傳女贄不過榛栗
通志榛子似栗而小
陸璣草木疏榛栗屬其一種皮
葉皆如栗其子小形如椰子味亦如栗所謂樹之榛栗
者也其一種枝葉似木蓼生高丈餘作胡桃味遼東上
黨皆饒山有榛之榛枝葉似栗樹子似橡子味似栗枝
莖可以為燭
景苑生遼東山谷樹高丈許子如小栗
可茹軍行食之當糧中土亦有

榧子

本草榧實一名榧子一名玉山果廣信玉山縣者良
時用本草土人呼為赤果一日玉榧
紺珠樹大連抱

葉似杉實如橄欖殼紫褐色而脆中仁香可療百毒
果譜榧有雌雄雄者花而雌者實實可生食煮收之可
久小 而心寔者佳

蓮子

爾雅荷芙蕖其實蓮其中的的中慧
詩疏蓮青皮裏
白子為蒨蒨中有青長三分如鈎為蕙味甚苦蒨五月
中生生啖脆至秋表皮黑蒨成實可磨以為飯如栗令
人強健又可為糜幽州揚豫取備飢年
爾雅的藪郭
註即蓮實
酉陽雜俎湖目蓮子也
事物原始蓮肉
吳人呼為蓮蓬
拾遺記昆流素蓮一房百子浚冬而
茂
豫章志雩都縣有瑞蓮池池產異蓮其實曰覆鐘

金鉉 三堂在事宅有釣魚池一種蓮子一歲再結實
每實子十雙 丙觀日疏 六月廿四日謂之觀蓮節是
采與其夫各以蓮子饋遺為歡 五雜俎今趙州寧晉
縣有石蓮子皆埋土中不知年代居民掘土往往得之
有數斛者其狀如鐵石而肉芳香不枯投水中即生蓮
葉食之令人輕身延年已瀉痢諸疾今醫家不察乃以
番蓮子代之豈能補益乎

藕

爾雅荷芙蓉其本慈其根藕 埤雅藕能移凡芙蓉行
藕如竹之行鞭節生一葉一花花葉相偶故謂之藕俗
云藕生應月月生一節間輒益一今江左穿池取汲不

欲種藕以藕善耕泥壞池也 物類相感志以其孔必
雙數故謂之藕 耶疏蜀人以藕為茄 格物論藕荷
根乃莖下白藕在泥中者中有七孔每節臂相似肉白
其間有絲味甘脆解暑渴 本草衍義其根以白蓮者
為佳 方書藕可以散血 拾遺記周穆王時西王母
進千年碧藕 續仙傳羅公遠謂中使曰至土列月華
之藕 齊民要術師曠曰歲欲雨雨草先生謂藕也
詩疏幽州人謂之光旁為光如牛角 清異錄北戎蓮
實狀長少末出藕頗佳然此三孔用漢語轉譯其名曰
省事三 國史補蘇州進藕最上者曰傷荷藕欲長其
根故傷其葉 方輿勝覽普州有天池藕陳希夷所種

清異錄崔遠家墅在長安城南就中襖池產巨藕貴
重一時相傳為襖寶又曰玉臂龍樹萱錄有碧衣女
子咏詩云藕隱玲瓏玉開元記終南山有旱藕狀類
葛粉餌之延年談圃郴州多碧蓮根大如盃張嘗以
墨印于詩臺止以詫北人也

菱

爾雅菱同蕨攪郭註今水中菱邢疏菱一名蕨攪楚人
各菱曰菱國語云屈到嗜菱俗云菱角是也坤雅其
葉似荇白華實有紫角刺人亦名解若說文云楚謂之
菱秦謂之解若周禮邊人加籩之實菱芡武陵記
四角三角曰菱兩角曰菱通謂之水栗花紫畫合背坑

隨月轉移或紫苞或青苞肉白生啖甘脆熟能飽人
酉陽雜俎蘇州折腰菱多兩角荆州郢城菱三角無刺
可以接莎廣志鉅野之菱大于常菱淮漢以南凶年
以為蔬羅浮山記緩寧縣元龜淵中出菱甚為甘旨
爾雅翼餌菱實可斷穀武陵記菱米不知種所自
出植于旱山不假耒耜不事灌溉逮秋則自熟粒米粗
糲梁書魚弘為湘東王鎮西司馬述職西上道中乏
食緣路采菱作飯給所部洞冥記立都觀翠水中有
菱碧色狀如雞飛名翔雞菱仙人烏伯子常採之拾
遺記漢昭帝淋池中有倒生菱莖如亂絲一花十葉根
浮水上實沉泥裏泥如紫色謂之紫泥菱食之不老

洞冥記曰露池有浮根菱根出水上葉沉波下實細薄皮甘香葉半青半黃霜降彌美因名青冰菱〔氣苑有紺珠菱綠菱〕本草菱老則殼黑而硬謂之烏菱冬月風乾爲果

芡實

古今注芡一名雁頭〔本草經〕雞頭一名鴈實生雷澤〔爾雅翼〕芡實有背若雞鴈頭然一名鴈喙內有米圓白如珠久食宜人莊子名雞鴈管子名卵菱〔說文〕一各鴈頭又名暖菱〔揚雄方言〕北燕謂之菝青徐淮泗之間謂之芡南楚江淮間謂之雞頭或謂之雁頭或謂之烏頭〔孫公談圃〕芡甘滑可食名爲水碗黃〔埤雅〕

芡葉似荷而大上有數十蹙劔如沸菰生而有芒刺其

中有米可以濟飢蓋其蓬踳如雞首故曰雞頭〔仇池〕

筆記芡暖菱寒芡開花向日菱開花背日〔王直方詩〕

註京師會靈觀凝祥池芡最盛僕射陂在鄭州世亦稱

其貢芡〔學圃雜疏〕芡在京師產者形如刺蝟而有稜

糯糯而大者味勝杭產〔淮南子〕雞頭已瘦〔注〕瘦頸腫

疾雞頭治之〔七脩類藁〕雞頭煮者以防風水浸之經

月不壞生者每一斗用防風四兩換水浸之可以度年

西瓜

胡嶠陷虜記嶠隨蕭翰入虜中真珠寨東行數十里入平川始食西瓜云契丹破回紇得瓜種以牛糞覆棚而

種之大如中國冬瓜而味甘。真珠船西瓜爾雅本草
齊民要術及諸類書並不載知昔所無草水子云。世
祖征西域中國始有種。余按五代時胡嶠陷虜始食西
瓜。又文文山西瓜吟云。拔出金佩刀。切破蒼玉餅。干點
紅櫻桃。一團黃水晶。知不始於元世祖。劉元卿賢奕
編中國初無西瓜。見洪忠宣皓松漠紀聞。蓋使金虜貶
遞陰山于陳王悟室。得食之云。種以牛糞結實大如斗
絕甘冷可蠲暑疾。丹鉛餘錄引五代邵陽合胡嶠陷虜
記云。于回紇得瓜。名曰西瓜。其言與忠宣同。以為五代
入中國。按忠宣使虜乃稱創見。則嶠嘗之于陷虜之日
而不能種之於中國也。其在中國土則自靖康而後其在

江南或忠宣移種歸耳。果譜陽溪西瓜秋生冬熟形
略長扁而大。瓢色如胭脂。味最美。可留至次年子取仁。
可薦茶。瀛涯勝覽鞞鞞國西瓜一枚二人舉之。研
北雜志耶律楚材扈從西征所記云。八普城西瓜大者
重五十斤。可以容狐。

甘蔗

通雅甘蔗亦曰諸蔗。曰都蔗。曰諸蔗。或作肝。饒。容齋
隨筆甘蔗只生于南方。北人嗜之而不可得。魏太武至
彭城遣人求蔗于武陵王郭汾陽。在汾上代宗賜甘蔗
二十條。子虛賦所云。諸柘巴且諸柘者。甘蔗也。蓋相如
指言楚雲夢之物。漢郊祀歌泰尊柘漿亦謂取甘蔗汁

以爲飲。格物叢語：蔗叢生似竹而中實長六七尺及未抽葉如蘆去皮食之。野史：神宗問呂惠卿曰：何草不蔗生獨于蔗庶出何也？對曰：凡草種之則正生此嫡出也。甘蔗以斜生所謂庶出也。通志：赤者名崑崙蔗。白者名竹蔗亦曰蠟蔗。小而燥者名荻蔗。清異錄：甘蔗盛于吳中亦有精粗如昆侖蔗、夾苗蔗、青灰蔗皆可煉糖。桃榔蔗乃次品。南中八郡志：交阻有甘蔗圍數寸長丈餘頗似竹斷而食之甚甘。竿取汁曝數時成飴入口消釋彼人謂之石蜜。世說：扶南蔗一丈三節見日卽消風吹卽折。神異經：南方荒內軒曠林有蔗高百丈圍三丈八尺從節多計割如蜜可以節吮蟲。清

異錄：湖南馬氏有雞狗坊長能種子母蔗。雷青日札：廣右甘蔗色白而甚細其堅如竹名曰石蜜。舊言蔗庶出者以節節側生也。唐書：南蠻婆賄伽盧國蔗大若脛。糖霜譜：自古食蔗者始爲柘漿。宋王祐魂所云脯驚庖羔有柘漿是也。其後爲蔗。餉如孫亮者是也。後又爲石蜜。八郡志所云是也。後又爲蔗酒。唐赤土國用甘蔗作酒雜以紫瓜根是也。唐太宗遣使至摩竭陀國取熬糖法卽詔揚州上諸蔗榨瀋如其劑色味愈于西域。大曆中有鄒和尚者始來小溪之織山教民黃氏以造霜之法。織山前後爲蔗田者十之四。糖霜戶十之三。蔗有四曰紅蔗。本草所謂崑崙蔗也。止堪生啖曰芳蔗。本

草所謂蔗也。可為砂糖。曰西蔗。可作霜色。淺不甚貴。曰杜蔗。綠嫩。味極厚。專用作霜。霜戶器用曰蔗。削曰蔗。鎌曰蔗。斃曰榨。斗曰漆。甕各有制度。吳氏林下偶談。曹子建有都蔗詩。張協有都蔗賦。魏文帝典論。奮威將軍鄧展等共飲酒。酣方食甘蔗。展以為杖。下毀數交。三中共臂。世說。顧長康每食蔗。自尾至本。或問之曰。漸入佳境。清異錄。丘鵬南出甘蔗。啖朝友云。黃金纒。

諸果

說文。杳似梨。神異經。南方大荒有樹曰杳。作實長九尺。無核。割之如凝蜜。山海經。箕山之東有甘櫨。洞庭之上其木多櫨。甘櫨列于崑崙。西京雜記。上林苑有

美 差查。蠻查。猴查。異苑。北方有白桑。櫨長數寸。食之甘。

美 藝文類聚。東方有八十丈桑。上有櫨。長三尺五寸。

圓與長等。焦氏類林。王田。以北方桑。櫨比江東黃甘。

謝公曰。君何乃妄語。甲不欲受。妄語之名。乃候熟時。能

取數十枚。奉公公食之。以為美語。甲曰。此味江東所無。

君何近比黃柑。南方草木狀。椰實大如寒瓜。外有粗

皮。次有殼。圓而且堅。剖之有白膚。厚半寸。味似胡桃。而

極肥美。有漿飲之。得醉。俗謂之越王頭。昔林邑王與越

王大醉。故其漿猶如酒云。雷求子。形如梔子。穰深而

兩頭尖。中有肉。白色。甘如棗。千歲子。有藤。蔓出土。子在

根下鬚綠色交加如織其子一苞二百餘顆殼青黃色
殼中有肉如栗味亦如之乾者殼肉相離擻之有聲出
交趾五斂子大如木瓜有五稜如刻出南人呼稜為斂
故以為名以蜜漬之甘酢而美出南海海梧子如大栗
肥甘可食人面子如桃實無味其核如人面故以為名
以蜜漬之稍可食以其核可玩于席間會館禦客出南
海鬼目樹實小者如李大者如鴨子二月花七八月熟
色黃味酸以蜜煮之滋味甚佳交趾武平與古九真有
之菴摩勒花黃實似李青黃色核圓作六七稜食之先
苦後甘補土以變白鬚髮有驗出九真臨海異物志
關訛子朱酸土翁子如漆熟時甜酸色青黑枸槽子如

指頭大正赤味甘雞橘子大如指味甘永寧界中有之
猴總子如小指頭大與柿相似其味不減于柿多南子
如指大色紫味甘與梅子相似出晉安王壇子如棗味
甘出侯官越王祭太乙壇邊有此果無知其名因生處
遂名王壇三廉大實不但三雖名三廉或有四五六枝
食之多汁味酸且甘藏之尤好與象果相參楊桃似橄
欖味甜五月十月熟生晉安侯官縣實大三寸可蜜藏
之南州記州樹子如李子五月熟剝核滋味甜出武
平前樹子如手指長三寸五六月熟以湯滴之削去核
食以糟鹽藏之味辛可食出交趾石南子如鷺卵七八
月熟人採之取核乾其皮中作肥魚羹和之尤美出九

真國樹子如鴈卵九月熟曝乾訖剝殼取食之味如栗
出交趾楮樹子似桃實長寸餘五月熟色黃鹽藏之味辛出交趾
榷樹子似桃實長寸餘五月熟色黃鹽藏之味酸似白梅
出九真廣州記歆似栗赤色子大如栗散有棘刺破
其外皮內白如脂肪著核不離味甜醉核似荔枝交
州記古度樹不花而實實從皮中出大如安石榴色赤
可食魏武食品蠡薺子如彈丸張揖上林賦注荅
選似李出蜀中廣志侯騷蔓生如雞卵既甘且冷輕
身消酒又名蘭子藤廣州記五子實如梨裏有五核
因名五子治霍亂金瘡天業拾遺南海郡送都念子
樹高丈餘葉如楊花如蜀葵子小子柿甘酸至美蜜漬

為棕益佳曲消舊聞巴欖子如杏核色白扁而尖長
來自西番比年近畿人種之亦生樹似櫻桃枝小而極
低桂海虞衡志黎檬子如大梅復似小橘味極酸櫓
罌子大如半升椀諦視之數十房攢聚成毬每房有縫
冬生青至夏紅破其瓣食之微甘部諦子色黃如大石
櫛羅晃子如橄欖其皮七重特乃子狀如櫛而圓長端
正不納子似黃熟小梅絕易爛爛即破肉附核可為經
珠似菩提子塔骨子匾如大橘皮裏空虛廣州記細
葉子似椒味如羅勒嶺北呼為木羅勒爾雅注劉杲
生山中實如梨酢甜核堅出交趾述異記江淮南人
至北見櫛棹以為相子蓋實異之耳菽園雜記陝西

有木實名榲桲肉色似桃而上下平正如柿其氣甚香其味酸澀以蜜制之歲為進貢然終非佳味王敏鎮陝西始奏罷之
 〔一〕統志安南出波羅蜜大如冬瓜皮有軟刺五六月熟味最甜香核可煮食能飽人嘉林出者尤佳
 〔物類相感志〕刀味核生南荒中樹高五十丈實如棗長五尺金刀剖之則甜苦竹刀剖之則節木刀剖之則酸蘆刀剖之則辛食之地仙不畏水
 〔庶物異名〕疏映日果即廣中所謂饅曇鉢及波斯所謂阿駟也韻學集成云檳榔之果其狀詰屈按本草樹徑尺葉似桑柘子作房似珊瑚枝在其端即檳榔也廣韻謂之曲伎果俺按如消梨梢長香剝去其皮可食出蘇門答刺國

毗野嘉果也實如楮歌畢佗實如李俱產真臘
 〔紺珠〕布衲子似李而黃色菴羅果出西域果似梨而底鈎出彼土名為王城王城種之也俗名香蓋甘露子一名地蠶生土中如小蠶如耳環嚮食脆美鸚哥舌即紅鹽草實始結即以紅鹽乾之果之珍者
 〔果譜〕天仙果樹高八九尺葉似荔枝而小無花而實子如櫻桃纍纍綴枝間一七月熟其味至甘

聞云小且燕其和至甘

公此只葉炒蒸林而小燕芥而實干味懸淋纍纍絲林

實故論唱以珠鹽掉之果之冠香 果韻天山果樹高

蠶土土中吸小蠶咬耳寒醫食龍美饜哥舌唱珠鹽草

嫩土谷魚王姓王姓蘇之出谷香益甘霸干一谷此

亦麻干如李而黃色蕃羅果出西翅果炒漿而翅隨出

細腰嘉果也實咬甜爛畢於實咬李身重其類 採糕

